



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

VI. De cultu venerationeque Sanctorum & sacrarum imaginum, Festorum observatione, & jejunio, nec non receptione Calendarii Gregoriani.

urn:nbn:de:hbz:466:1-14298

Sit ad Ecclesiā humilis & devotus ingressus, conversatio Deo & hominibus placens, devotio reconcilians; absit à domo Dei vana & prophana colloquia; exulet omne id, quod redundare dignoscitur in divini numinis offendit; negotiations, & præcipue nundinarum ac fori cuiuscunque tumultus, ab Ecclesiis earumque cœmeteris proscribantur; ac omnis denique sæcularium judiciorum strepitus, & potestas prorsus extranea, in eis conquiscat, ne, quod absit, ubi peccatorum postulanda est venia, deprehendantur & cumulentur peccata. In divinæ autem laudis tributis, quæ debito exhibentur officio, omnia sub maturo tenore distinctaque gradatione peragantur; psallat fides, devotio plaudat, modestia tripudiet, gravitas jublet, & singuli alacri animo pronaque voluntate concinentes, in unum sua studia laudabiliter exequantur, uno porro eodemque cultu ac ritu.

Aquaë lustralis, nec non cinerum, herbarum, palmarum, aliorumque fructuum, definitis temporibus ac certis diebus in Ecclesiā benedici solitorum, usum legitimum ac rectum probent ipsi, & aliis commendent, &c., quoniam cœremonias hujusmodi, hæretici vel ex ignorantia contemnunt, vel ex malitia derident, ipsi tuncantur; mysteriaque, quæ in his latent, & vim adversus antiqui hostis infidias, & sciant ipsi, & aliis, ubi opus fuerit, ad confutandos hæreticorum errores, ex probatis autoribus explicent.

Eadem ratione, non solum adversus Aca-
tholicos defendere, sed ipsimet etiam publicas
totius Ecclesiæ processiones, seu peculiares,
seu Dioecesis statas, seu ex occasione indictas,
quoties ea instituentur, visitare tenentur. ad
quas, etiam Regulares quicunque, etiam Monachi,
ad easdem vocati, comparere tenebuntur.
Noverint vero omnes, in hujusmodi pro-
cessionibus, quæ prælata cruce aut vexillo,
bono ordine, viris in unum, sc̄minis in alium
cœtum distributis, debent fieri, abstinentum
prorsus esse à fabulis, risibus, nugis, levitati-
bus, discursibus, curiositatibus, compotatio-
nibus, præbendumque Laicis esse modestiae
& pietatis exemplum. Si, qui vero symposia
aut nundinationes qualcumque erexerint, cas-
abrogent Parochi.

DECRETUM V.

De ornatu, ad cultum divinum debite peragendum, & Reliquis.

Cedit in offendit divini numinis, oppro-
brium & irreverentiam divini cultus, si
tremendum Domini memoriale in cultu abje-
cto, prophano loco, & immundo repræsente-
tur ornatu, ante altare. Quapropter omnibus
Decanis, Plebanis, Religiorum omnium su-

perioribus, & aliis quorum interest, sub obte-
statione divini judicii, eorum conscientiam
onerantes, strictissime mandamus, quatenus
ornamenta, ad divinum cultum necessaria, in
Ecclesiis sibi demandatis diligenter exami-
nen, &c., tam quæ ad decorum & restauratio-
nem domus Domini, quam cultum divinum
debita peragendum, desiderari videbuntur,
per eos, quorum de jure interest, congruo
tempore suppleri faciant. Insuper etiam Re-
liquie Sanctorum, quas, cum lachrymis, ab-
jectas & nullo cultu affici, vidimus, diligen-
tius curentur, nec non debito honori rever-
entiæque quam primum restituantur: nullæ,
sine expresa Nostra licentia, in scriptis ob-
tentis, extrahantur, donentur, aut extra No-
stram Dioecesim portentur, sub pena excom-
municationis, latæ sententiae.

DECRETUM VI.

*De cultu veneracioneque Sanctorum &
sacrarum imaginum, Festorum obser-
vatione, & jejuniis, nec non receptione
Calendarii Gregoriani.*

Gloriosus Deus in Sanctis suis, dabit vir-
tutem & fortitudinem plebi suæ, si, ad
Dei & Sanctorum suorum laudes habendas,
corda habebimus sursum elevata. Quapropter
festa omnia, quæ vel universus Christianus
Orbis, vel Nostra hæc Dioecesis, ex antiqua
& laudabili consuetudine vel pia Prædecessorum
Nostrorum promulgatione, sacra habet,
innovamus, & celebranda piâ devotione esse,
promulgamus. Ac, ut omnibus notum sit,
quæ festa etiam in foro celebranda & vene-
randa sint, hanc tabellam seu notam subjici-
curavimus; quam, etiam vulgari lingua ver-
sam, propediem publicabimus.

FESTA MOBILIA.

Dominica Paschæ, cum duabus sequentibus
diebus.

Ascensio Christi.

Dominica Pentecostes, cum duabus sequen-
tibus diebus.

Corporis Christi.

FESTA IMMOBILIA.

In Ianuario.

Die I. Circumcisionis Domini.

VI. Epiphania Domini.

XXV. Conversio S. Pauli.

In Februario.

II. Purificatio B. Mariae Virginis.

XXIV. vel, anno bissextili, XXV. S. Mathiæ.

In Martio.

XXV. Annuntiatio B. Mariae Virginis.

In Mayo.

I. SS. Philippi & Iacobi, Apostolorum.

In

CELEBRATA OCTOBRIM D C XXXII.

In Junio.

- xxiv. S. Ioannis Baptista.
xxix. SS. Petri & Pauli, Principum Apostolorum.

In Julio.

- ii. Visitatio B. Virginis Mariæ.
xxxi. S. Mariæ Magdalena.
xxv. S. Iacobi Apostoli.

In Augusto.

- x. S. Laurentii Martyris.
xv. Assumptio B. Virginis.
xxiv. S. Bartholomæ Apostoli.

In Septembri.

- viii. Nativitas B. Virginis.
xxi. S. Matthæi Apostoli.
xxix. S. Michaëlis Archangeli.

In Octobri.

- Primæ Dominicæ post festum S. Michaëlis, celebratur festum S. Angeli custodis.
xxviii. SS. Simonis & Iudæ, Apostolorum.

In Novembri.

- i. Omnim Sanctorum.
ii. Animarum, ante meridiem.
xi. S. Martini Episcopi & Confessoris.
xxi. Præsentatio B. Virginis.
xxv. S. Catharinæ Virginis & Martyris.
xxx. S. Andreae Apostoli.

In Decembri.

- viii. Conceptio B. Virginis.
xxi. S. Thomæ Apostoli.
xxv. Nativitas Christi.
xxvi. S. Stephani Protomartyris.
xxvii. S. Ioannis Apostoli & Euangelistæ.

Festis hisce diebus, omnes, officinas suas ac tabernas claudant; nemo negotietur aut nundinetur; nemo quicquam emat aut vendat, nisi quod ad diei illius vicuum, aut ægrorum curationem, est necessarium.

Abstineant etiam omnes ab operibus servilibus, & vel maxime à computationibus, cracula, blasphemis, choreis, spectaculis, omnique levitate & indecentia; cogitantes potius, quomodo mentem, negotiis laicaribus tota hebdomade distractam, colligere, Deum offensum propitiare, & salutem animæ (qui solemnitatum hujusmodi finis est) per penitentiam salutarem & synaxis procurare possint. Quapropter integrum Missæ officium concessionemque attente & religiose audiant; præcipua vero pietate obeant festa Christi Salvatoris, & Deiparae Virginis, SS. Apostolorum, SS. Angelorum, Patronorum patriæ.

Si quæ evidens exercendi alicujus operis aut laboris necessitas inciderit, facultas ad id à Nobis vel Vicario Nostro, aut, si grave in mora effet periculum, à Parocho, peri debet.

Vigilias quoque Sanctorum, Quadragesimam, Quatuor temporum jejunia, & quæcumque ab universali Ecclesiæ instituta, aut piis moribus recepta, omnes, quos aut ætas aut

morbis aut alia legitima causa non excusat, strictè observent; sicut & feriæ sextæ & Sabbatho, tribus Rogationum diebus, & S. Marti febo, nec non Vigilia Conceptionis immaculatae Dei genitricis Virginis Mariæ, à carnis abstinenceant. Dies efuriales, sequenti hebdomada servandi, prima immediate concione præcedente palam ex cathedra denuncientur.

Volumus etiam, ut imagines ac statuae deformes, fractæ, yetustate corruptæ vel corrodæ, aliisque de causis indecentes, ex templis removeantur.

Mandamus præterea Pastoribus & aliis qui buscunque Ecclesiarum Rectoribus, ut nullæ posthac imagines, statuae, epitaphia, altaria, in Ecclesiis & locis Ecclesiasticis ponantur, nec quicquam aliud constituant aut mutetur, nisi Nostra aut Nostri in spiritualibus Vicarii approbatio præcesserit. Nec Pastores, multò verò minus Æditi aut Provisores, cuiquam in Choro sedem vel stationem certam concedant. quæ verò hactenus à quibusdam in Ecclesiis positæ fuerunt sedes ampliores, & prospectum ad summum altare impediunt, aut aliis obstaculo sunt, maxime verò quæ prope altaria collocatae sunt, directione Vicarii Nostri & cura Pastorum ad debitam moderationem redigantur.

Antiquissima est, etiam apud Ethnicos, temporis distributio, & Calendariorum memoria; quorum reformationem anno M D LXXXII, summus in terra Christi Vicarius Gregorius Papa XIII exquisitissimam tradidit, omnibusque servandam proposuit. Quam, uti omnes Catholicæ merito suscepimus, siveque subditis servandam proposuerunt, Nos etiam tam Episcopalis munera quam Principalis potestatis autoritate, omnibus subditis Nostris acceptandam, & primâ Novembri proximi inchoandam, sub censuris aliquaque poenitentiaris demandamus.

DECRETVM VII.

De festo Conceptionis B. M. Virginis solemniter cum publica gratiarum actione celebrando.

P Ræexcelsa cælorum Regina, mundi Dominina, sedibus æthereis illata, pro salute fidelium pervigil, & sedula apud Deum, quem genuit, est oratrix, &, quasi acies castrorum, in terris gloriofa extirpatrix hereticorum, cuius ope & patrocino Ferdinandus II, invictissimus Romanorum Imperator, diversis vitoris extitit triumphator; utque ad habendas ulteriores redderetur aptior, miræ & immaculatae Conceptionis festum quotannis per totum Romanum Imperium solemnius celebrari, idque sancti & publicari, in votis habuit. Ad quod consentiendum & promovendum, quantum ex Nobis est, Nos tanto sumus &